

臨武縣志卷之四十五

祥異志

平世不侈符瑞聖人不語怪神奚取乎灾祥而志之曰山出器車也河出馬圖也麟鳳近在郊輒也是瑞應也皆休徵也石言於晉也神降於莘也蛇鬪於鄭南門也是妖異也皆咎徵也然休與咎必判於天時人事之間彼雨暘時若徵諸肅又否則狂且僭恒之象耳昔者聖人之繫易也吉一而凶悔吝三所以諄諄垂戒示人趨避之道春秋書變異一百二十有二

臨武縣志

卷之四十五

祥異志一

其吉無咎者不過數事餘皆凶兆也吝幾也大書特書屢書不一書者欲人遇灾而懼以回冥漠之天心也今度臨邑之土宇古之百里封圻也齊桓務德而五星聚箕宋景一言而熒火徙舍化凶爲吉則宰斯土者之責焉耳志祥異

曹家玉識

祥

唐憲宗元和間產靈芝

宋致和二年湖廣提舉常平劉欽言桂陽軍臨武蘆

灰湧生金狀類靈芝祥雲

元祐二年穀出雙穗

宣和元年東鄉民鄺姓一產三男

明洪武十九年大有

永樂二十年大有

成化二年嘉禾生

嘉靖九年大有

萬歷五年丁丑西山苦竹遍生花復有白鶴翔於北
城樓是年曾朝節探花及第

萬歷十五年天雨桂于是時邑民黃鼎壽登期頤知

臨武縣志

卷之四十五

祥異志二

縣陳貴科爲建百歲坊

崇禎三年旱至七月下旬雨如注苗復青茂是歲大
熟

國朝順治五年二月有五色大鳥飛集北門衆鳥從之
閱時飛空而去

順治十一年大有

順治十八年大有

康熙元年芝草生於學宮

康熙五年丙午知縣李振麟重建

先師廟經始之日間架方定忽雷電轟繞火光四燭李侯

喜爲文明之象

康熙八年大有

康熙十一年大有

康熙十八年旱蝗後再熟民歡傳災後嘉禾

康熙二十四年冬瑞雪深三尺

康熙三十年大有

康熙四十六年大有

雍正二年嘉禾一莖五穗

臨武縣志

卷之四十五

祥異志 三十七

雍正九年大有

乾隆元年大有

乾隆十九年大有是歲邑民唐榮炘年登百齡知縣

賈秘申詳督撫 題准在案奉

旨給銀建坊旌以昇平人瑞四字

乾隆二十八二十九雨年大有

乾隆三十二年大有

乾隆三十五年大有

乾隆三十九年大有

乾隆四十五年大有

乾隆五十年大有

乾隆五十五年大有

嘉慶七年大有

道光五年大有

異宋紹興三年大饑

紹興五年大饑

隆興二年大饑

淳熙三年大饑

臨武縣志

卷之四十五

祥異志四

嘉泰三年無麥乏食

元大德三年大旱

大德^{九年}秋七月蝻

至大四年大水

延祐二年夏五月大旱

明洪武二年饑

洪熙元年大饑

正統二年大饑

正統五年秋旱

正統十一年大旱

成化十一年大水

嘉靖八九兩年大饑

嘉靖十一年大旱

隆慶二年饑

萬曆丙午春大水東山一帶濱江之田彌望盈眸皆

沒爲沙渚

萬曆四十五年大疫

天啟四年甲子大旱斗米銀二錢五分

臨武縣志

卷之四十五

祥異志五

崇禎五年雨黑水

崇禎十一年戊寅三月朔白霧羃城三晝夜天雨小
珠純黑如粟大時有土寇劉新字之變

崇禎十六年冬夜半地震房屋遍有聲衆驚起舉火
燭之罌甕盡傾倒是歲民有伐木舜峯山麓者於
陰茂中開一隙光望氣者曰此山金甲神也露形
則刀兵作矣已而僞令朱衣點等據城搆難

國朝順治四年臨邑始入版圖時大歉斗米銀三錢

順治五年大饑斗米銀三錢鹽每觔二錢兵凶口仍

順治六年民間訛言陰兵夜馳有曳甲聲訶傳數月始定

順治十年旱

順治十三年虎爲患噬人甚多

順治十四年丁酉大饑斗米銀二錢冬十一月彗星見於東方凡三夕始沒

康熙七年有星見於西方七日方沒

康熙二十六年四月邑大水城南兩岸厪肆多漂蕩爲墟邑令張聲遠每戶捐賜三錢資其營葺都督

臨武縣志

卷之四十五

祥異志六

劉興圖亦捐助有差

雍正二年旱

乾隆十一年夏大水壞民居千餘間賑恤銀二千八百餘兩

乾隆十五年夏大水

乾隆二十年牛災

乾隆四十二年大水

乾隆四十七年夏四月地震

乾隆五十年夏五月大雨雹苗壞

乾隆五十一年大旱次年復旱大饑

乾隆五十四春旱秋蝥

乾隆五十九年夏六月大水城圯通濟三星二橋傾

沿河兩街盡漂沒壞民田甚衆

嘉慶元年虎爲患出洞傷人獵戶撲殺之

嘉慶五年大旱

嘉慶十二年大旱

嘉慶十三年大饑斗米銀六錢

嘉慶十六年夏六月有星如帚見於西南方凡三越

臨武縣志

卷之四十五

祥異志七

月始沒

嘉慶十七年秋冬之際大雪

續祥異

嘉慶二十五年秋大疫

道光三年大有

道光五年大有

道光二年秋大疫

道光三年秋大疫

道光十年夏四月霖雨浹旬蛟水暴作古車洞上牛欄門濱溪石岩坍塌巨石冲出陰溪一帶壞田數百畝巡道勘賑先是岩內拋細孔如櫺雖嚴冬有

臨武縣志

卷之四十五

續祥異志八

氣噓出探手入恒熱至是坍塌識者以爲蛟窟云
道光二十八年夏六月大水先是因旱迎連州屬福山真武至縣禱雨旋大雨兩晝夜不止溪水暴漲沿河橋梁街店多衝決